

四庫全書

史部

欽定四庫全書

史部

大唐開元禮卷八至十一

詳校官編修_臣曹錫齡

編修_臣程嘉謨覆勘

總校官編修_臣王燕緒

校對官中書_臣陸湘

謄錄監生_臣董邦本

欽定四庫全書

大唐開元禮卷八

唐 蕭嵩等 撰

吉禮

皇帝孟夏雩祀于圜丘

齋戒

陳設

省牲器

鑾駕出宮

奠玉帛

進熟

鑾駕還宮

齋戒

將祀有司卜日如別儀前祀七日平明太尉誓百官于尚書省曰某月某日雩祀昊天上帝于圜丘各揚其職不供其事國有常刑皇帝散齋四日致齋三日如冬至之儀凡預祀之官散齋四日致齋三日

散齋正寢致齋二日于本司一

日于祀所其無本司者皆于祀所

近侍之官應從升者及從祀之羣官

諸方各使于本司及公館清齋一宿

無本司者各于正寢

散齋理

事如舊唯不弔喪問疾不作樂不判署刑殺文書不行

刑罰不預穢惡致齋唯祀事得行其餘悉斷其祀官已

齋而闕者通攝行事光祿卿監取明水火

太官令取水于陰鑒取火

于陽燧火以供爨水以注玄酒之尊

前祀二日太尉告太宗文武聖皇帝

廟如常告之儀

告以配神作主之意

前祀一日諸衛令其屬未後

一刻各以其方器服守衛墻門與太樂工人俱清齋一

宿

陳設

前祀三日尚舍直長施大次于外墻東門之內道北南

向尚舍奉御鋪御座衛尉陳饌幔于內壝東門之外道
南北向設文武侍臣次于大次之後又設祀官及從祀
羣官諸州使人蕃客等次如式前祀二日太樂令設宮
懸之樂于壇南內壝之內設歌鐘歌磬右校掃除壇之

內外郊社令積柴于燎壇

其壇于神壇之
左內壝之外

方一丈高一

丈二尺開上南出戶方六尺前祀一日奉禮設御位及
望燎位祀官及從祀羣官諸州使人諸蕃客等位並于
壝內皆如圜丘之儀設牲牐于東壝之外當門西向蒼

牲一居前青牲一少退又青牲二赤牲二黃牲二白牲
二玄牲二皆南上設廩犧令位于牲西南史陪其後俱
北面設諸太祝位于牲東各當牲後祝史陪其後俱西
向設太常卿省牲位於牲前近北南向設天帝酒尊于
壇之上下天帝太樽二著尊二犧尊二山罍二在壇上於東南
隅北向象尊二壺尊二山罍二在壇下南階之東北向俱西上
設配帝著尊二犧尊二象尊二山罍二在壇上於天帝酒尊
之東北西向上五方帝各太樽二犧尊二山罍一在第一

等五帝各犧尊二在第二等五官各象尊二在壇下皆

于神坐之左而右向

尊皆加勺幕五帝已上之尊皆有
站以置五官之尊俱藉以席置爵

于尊

設御洗于壇南陞東南亞獻之洗又于東南俱北

向罍水在洗東篚在洗西南肆

篚實以
巾爵

設五官罍洗篚

幕于酒尊之西俱北向執尊罍篚幕者各于尊罍篚幕

之後各設玉幣之篚於壇之上下尊站之所祀日未明

五刻太史令郊社令升設昊天上帝神坐于壇上之中

央南向席以藁秸設太宗文武聖皇帝神坐于東方

西向席以莞設五方帝之坐于第一等青帝于東陛
之北赤帝于南陛之東黃帝于南陛之西白帝于西
陛之南黑帝于北陛之西皆莞席以藻秸又設五帝
之坐于第二等如五方帝之陛位又設五官之坐於
壇下之東南西向北上皆席以莞設神位各於坐
首

省牲器

省牲之日午後十刻去壇二百步所諸衛之屬禁斷

行人晡後二刻郊社令丞帥府史三人及齋郎以尊

坫罍洗篚罍入設于位晡後三刻諸太祝與康犧令

以牲就牓位謁者引太常卿贊引引御史入詣壇東

陸升視滌濯

凡導引者每曲一逡巡于視濯執導者皆舉罍告潔

訖引降就省

牲位南向立康犧令少前曰請省牲退復位太常卿省

牲康犧令又前北面舉手曰膺還本位諸太祝各巡

牲一匝西面舉手曰充俱還本位諸太祝與康犧令

以次牽牲詣厨授太官令謁者引光祿卿詣厨省鼎

鑊申視濯溉贊引引御史詣厨省饌具祀日未明十
五刻太官令帥宰人以鸞刀割牲祝史以豆取毛血
各置於饌所遂烹牲

鑾駕出宮如園丘之儀

奠玉帛

祀日未明三刻諸祀官各服其服郊社令良醢令各

帥其屬入實尊罍玉幣

凡六尊之次大尊為上實以
汎齊著尊次之實以醴齊犧

尊次之實以盎齊象尊
以汎齊山罍為下實以清酒配

帝著尊為上實以汎

齊犧尊次之實以醴齊象尊次之實以盎齊山罍為下實以清酒五帝之太尊實以汎齊犧尊實以醴齊山罍實以盎齊五帝之犧尊實以醴齊五官之象尊實以沈齊元酒皆實于五帝之上尊禮神之玉昊天上帝以四珪有珪青帝以青珪赤帝以赤璋黃帝以黃琮白帝以駟虞黑帝以玄璚天帝配帝之幣皆以蒼五方帝五帝各於其方色凡幣皆長一丈有八尺

太官令即進饌者實諸

籩豆簋簠入設于內壝門東之外饌幔內未明二刻

奉禮帥贊者先入就位贊引引御史博士詣太祝及令

史祝史與執尊罍篚幕者入自東門當壇南重行北

面西上立定奉禮曰再拜贊者承傳

凡奉禮有詞贊者皆承傳御

史以下皆再拜訖執尊罍篚畢者各就位贊引引御
史詣太祝詣壇東陞升行掃除於上令史祝史行掃
除於下訖皆就位駕將至謁者贊引各引祀官通事
舍人分引從祀羣官諸方客使先至者俱就門外位
駕至大次門外迴輅南向將軍降立於輅左侍中進
當鑾駕前跪奏稱侍中臣某言請降輅俛伏興還侍
位皇帝降輅之大次通事舍人引文武五品以上從
祀之官皆就壝外位奉禮郎帥贊者先入就位贊引

御史以下入就位太樂令帥工人二舞次入就位
文舞入陳於懸內武舞立於懸南道西謁者引司
空入行掃除訖出復位皇帝停大次半刻頃通事
舍人各引從祀文武羣官介公鄒公諸方客使皆
先入就位太常博士引太常卿立於大次門外當
門北向侍中版奏外辦皇帝服袞冕出次華蓋侍
衛如常儀侍中負寶博士引太常卿太常卿引皇
帝陪從如式至內壩門外殿中鹽進大珪尚衣奉
帝凡太常前導
皆博士先引

御又以鎮珪授殿中監殿中監受進皇帝搢大珪執鎮

珪華蓋仗衛停于門外近侍者從入如常謁者引禮部

尚書太常少卿陪從如常皇帝至版位西向立

每立定太常卿

與博士退立于左

謁者贊引各引祀官次入就位立定太常卿

前奏稱請再拜退復位皇帝再拜奉禮曰衆官再拜衆

官在位者皆再拜

其先拜者不拜

太常卿前奏有司謹具請行

事退復位協律郎跪俛伏舉麾

凡取物者跪俛伏而取以興奠物則奠訖俛伏

而後興

鼓祝奏豫和之樂乃以黃鐘之均作文舞之舞樂

舞六成偃麾戛敔樂止

凡樂皆協律郎舉麾鼓祝而後作偃麾戛敔而後止

太常

卿前奏稱請再拜退復位皇帝再拜奉禮曰衆官再拜

衆官在位者皆再拜太常卿引皇帝太和之樂作

皇帝每行

皆作太和之樂

皇帝詣壇升自南陛侍中中書令以下及左右

侍衛量人從升

以下皆如之

皇帝升壇北向立樂止太祝加

玉於幣以授侍中侍中奉玉帛東向進皇帝搢鎮圭受玉

帛

凡受物皆搢鎮圭與訖執圭俛伏興

登歌作肅和之樂乃以大吕之均

太常卿引皇帝進北面跪奠于昊天上帝神坐俛伏興

太常卿引皇帝立于南方北向皇帝再拜訖太祝又以配帝之幣授侍中侍中奉幣北向進皇帝進東向跪奠于太宗神坐前俛伏興太常卿引皇帝立于西方東向再拜訖登歌止初皇帝將奠配帝之幣五方帝之太祝皆取玉幣于篚各進奠于其神坐前五帝之獻官次取幣先奠于太昊氏神坐前餘坐齋郎助奠訖五官之獻官亦取幣先奠于勾芒氏神坐前餘坐祝史助奠訖獻官各復本位于登歌止太常卿引皇帝降自南陛還版

位西向立初羣官拜訖祝史皆奉毛血之豆立于門外
于登歌止祝史奉毛血之豆各由其陞升諸太祝迎取
于壇上俱進奠于神坐前諸太祝與祝史退立于尊所

進熟

皇帝既升奠玉幣太官令出帥進饌者奉饌陳于內墻
門外謁者引司徒出詣饌所司徒奉天帝之俎皇帝既
至位樂止太官令引饌入俎初入門雍和之樂作以黃
鐘之均饌至陞樂止祝史俱進徹毛血之豆降自東陞

以出天帝之饌升自南陛配帝之饌升自東陛五方帝

五帝之饌各由其陛升諸太祝迎引於壇上各進奠於

神坐前

籩豆盛幕先徹乃升簋
蓋既奠皆却其蓋於下

謁者引司徒太官令帥

進饌者降自東陛以出司徒復位諸太祝各還尊所又

進設五官之饌相次而畢初壇上設饌訖太常卿引皇

帝詣壘洗樂作皇帝至位樂止侍中跪取匱興沃水又

侍中跪取盤興承水皇帝盥手黃門侍郎跪取巾於匱

興進皇帝悅手訖黃門侍郎受巾跪奠於匱黃門侍郎

又取匏爵于篚興進皇帝受爵侍中酌壘水又侍中奉盤皇帝洗爵黃門侍郎又授巾皆如初皇帝拭爵訖侍中奠盤匱黃門侍郎受巾奠于篚皆如常太常卿引皇帝樂作皇帝詣壇升自南陛樂止謁者引司徒升自東陛立於尊前齋郎奉俎從升立于司徒之後太常卿引皇帝詣天帝酒尊所執尊者舉罍侍中贊配汎齊訖壽和之樂作

皇帝每酌獻及飲福時作壽和之樂

太常卿引皇帝進昊天

帝神坐前北向跪奠爵俛伏興太常卿引皇帝立於南

方北向樂止太祝持版進于神座之右西向跪讀祝文
曰維某年歲次月朔日子嗣天子臣某敢昭告于昊天
上帝爰茲孟夏龍見紀辰方資長育式遵常禮敬以玉
帛犧齊粢盛庶品恭致燔祀表其寅肅皇曾祖考太宗
文武聖皇帝配神作主尚饗訖興皇帝再拜初讀祝文
訖樂作太祝進跪奠版于神座興還尊者舉纂侍中取
止太常卿引皇帝詣配帝酒尊所執尊者舉纂侍中取
爵于坫進皇帝受爵侍中贊酌汎齊訖樂作太常卿引

皇帝進太宗神坐前東向跪奠爵俛伏興太常卿引皇帝立於西方東向五方帝之太祝各詣尊酌汎齊俱進奠於其神坐前訖樂止太祝持版進於神座之左北面跪讀祝文曰維某年歲次月朔日子孝曾孫開元神武皇帝臣某敢昭告于曾祖考太宗文武聖皇帝時惟正陽式遵恒典用致禋祀于昊天上帝伏惟道叶乾元德施品物永言配命對越昭升謹以制幣犧齊粢盛庶品致其明薦作主配神尚饗訖興皇帝再拜初讀祝文訖

樂作太祝進跪奠版於神座興還尊所皇帝拜訖樂止
太常卿引皇帝南方北向立樂作諸太祝各以爵酌上
尊福酒合置一爵一太祝持爵授侍中侍中受爵西向
進皇帝再拜受爵跪祭酒啐酒奠爵俛伏興太祝各帥
齋郎進俎太祝減神前胙肉加之於俎以胙肉共置一
俎上一太祝持俎以授司徒司徒奉俎西向進皇帝受
以授左右謁者引司徒降還位皇帝跪取爵遂飲卒爵
侍中進受爵以授太祝太祝受爵復於坫皇帝俛伏興

再拜樂止太常卿引皇帝樂作皇帝降自南陛還版
位西向立樂止文舞出鼓枳作舒和之樂出訖戛鼓樂
止武舞入鼓枳作舒和之樂立定戛鼓樂止皇帝獻將
畢謁者引太尉詣罍洗盥手洗匏爵訖謁者引太尉自
東陞升壇詣天帝著尊所執尊者舉罍太尉酌醴齊武
舞作謁者引太尉進昊天上帝神坐前北向跪奠爵興
謁者引太尉立於南方北向再拜訖謁者引太尉詣配
帝酒尊所取爵于坫執尊者舉罍太尉酌醴齊謁者引

太尉進太宗神座前東向跪奠爵興謁者引太尉立於西方東向再拜訖五方帝之太祝亦各酌醴齊俱奠於其神坐前訖還尊所謁者引太尉進天帝神座前北向立諸太祝各以爵酌鬯福酒合置一爵一太祝持爵進太尉之右西向立太尉再拜受爵跪祭酒遂飲卒爵太祝進受爵復於坫太尉興再拜謁者引太尉降復位初太尉獻將畢謁者引光祿卿詣罍洗盥手洗匏爵升酌盥齊獻正坐配坐及五方帝之坐終獻如亞獻之儀訖

謁者引光祿卿降復位初太尉將升獻贊引引五帝之
獻官詣罍盥手洗爵酌醴齊進奠于太昊氏神座前餘
坐皆齋郎助奠訖還本位五帝獻將畢五獻官詣罍洗
爵酌醴齊進奠于勾芒氏神坐前餘坐皆祝史助奠訖
獻官還本位武舞六成樂止舞獻俱畢上下諸祝各進
徹豆還樽所

徹者籩豆各一
少移於故處

奉禮曰賜胙贊者唱衆官

再拜衆官在位者皆再拜

已飲福受
胙者不拜

豫和之樂作太常

卿前奏稱請再拜退復位皇帝再拜奉禮曰衆官再拜

衆官在位者皆再拜樂一成止太常卿前奏請就望燎
位太常卿引皇帝樂作皇帝就望燎位南向立樂止於
羣官將拜諸祝各執篚進神座前取玉帛祝版齎郎以
俎載牲體稷黍飯爵酒各由其陞降壇南行經懸內當
柴壇南東行自南陞登柴壇以玉幣祝版饌物置於柴
上戶內諸祝又以五官之禮幣皆從燎奉禮曰可燎東
西面各六人以炬燎火半柴太常卿前奏禮畢太常卿
引皇帝還大次樂作皇帝出內墻門殿中監前受鎮珪

以授尚衣奉御殿中監又前受大圭華蓋侍衛如常儀
皇帝入次樂止謁者贊引各引祀官及從祀羣官諸方
客使以次出贊引引御史以下俱復執事位立定奉禮
曰再拜御史以下皆再拜贊引引出工人二舞以次出
鑾駕還宮如園丘之儀

大唐門元禮卷八

欽定四庫全書

大唐開元禮卷九

唐 蕭嵩等 撰

吉禮

孟夏雩祀圜丘有司攝事

齋戒

陳設

省牲器

薦玉帛

進熟

齋戒

將祀有司卜日如前儀前祀七日平明太尉誓百官于尚書省曰某月某日雩祀昊天上帝于圜丘各揚其職不供其事國有常刑凡預祀之官散齋三日致齋三日

散齋皆于正寢致齋二日于本司一日于祀所其無本司者則于郊社署

散齋理事如舊唯

不吊喪問疾不作樂不判署刑殺文書不行刑罰不預穢惡致齋唯祀事得行其餘悉斷其祀官已齋而闕者通攝行事諸祀官致齋之日給酒食及明衣各習禮於齋所光祿卿監取明水

太官令取水于陰鑒取火于陽燧火以供爨水以實尊

前

祀二日太尉告太宗文武聖皇帝廟如常告之儀

告以配神

作主之意

前祀一日諸衛令其屬未後一刻各以其方器服

守衛壇之門

每門二人每隅一人

與太樂工人俱清齋一宿

陳設

前祀三日守宮設祀官公卿以下次于東壇之外道南
北向西上設陳饌慢于內壇東門之外道南北向前祀
二日太樂令設宮懸之樂于壇南內壇之內東方西方
磬簾起北鐘簾次之南方北方磬簾起西鐘簾次之設

十二鐃鐘于編懸之間各依辰位樹雷鼓于北懸之內
道之左右植建鼓于四隅置祝敔于懸內祝在左敔在
右設歌鐘歌磬於壇上近南北向磬簾在西鐘簾在東其
匏竹者立于壇下重行北向相對為首

凡懸皆展而編之

諸工

人各位于懸後東方西方以北為上南方北方以西為

上右校掃除壇之内外郊社令積柴于燎壇

其壇于樂懸之南外

壇之內

方一丈高一丈二尺間上南出户方六尺前祀一

日奉祀設祀官公卿位于內壇東門之內道北執事位

于道南每等異位俱重行西面北上設望燎位于柴壇之北南向設御史位于壇下一位于東南西向一位于西南東向令史陪其後設奉禮位于樂懸東北贊者二人在南差退俱西向設協律郎位于壇上南陛之西東向設太樂令位于北懸之間北向設祀官公卿以下門外位皆于東壝之外道南每等異位重行北面西上設牲膀于東壝之外當門西向蒼牲一居前青牲一少退又青牲二赤牲二黃牲二白牲二黝牲二皆南上又設

廩犧令位于牲西南史陪其後俱北向設諸太祝位于牲東各當牲後俱西向設太常卿省牲位于牲前近北又設御史位于太常卿之西俱南向設酒樽之位于壇之上下天帝太尊二著尊二犧尊二山罍三在壇上東南隅北向象尊二壺尊二山罍二在壇下南陛之東北向俱西上設配帝著樽二犧尊二象尊二山罍二在壇上於天帝酒尊之東北向西上五方帝各太樽二犧尊二山罍一在第一等五帝各犧尊二在第二等五官各象樽二在壇

下皆設于神坐之左而右向

尊皆加勺罍五帝已上之尊皆有坫以置爵五官之

尊藉以席設爵于尊下也

設洗于壇午陛東南北向罍水在洗東篚

在洗西南肆

篚實以中爵

設五官罍洗篚罍于酒尊之西俱

北向執尊罍篚罍者于尊罍篚罍之後各設玉幣之篚

于壇之上下尊坫之所祀日未明五刻太史令郊社令

升設昊天上帝神坐于壇之中央南向席以橐秸設太

宗文武聖皇帝神坐于東方西向席以莞設五方帝之

坐于第一等青帝于東陛之北赤帝于南陛之東黃帝

于南陛之西白帝于西陛之南黑帝于北陛之西皆席
以崇結又設五帝之坐于第二等如五方帝之陞位又
設五官之坐于壇下之東南西向北上皆席以莞設神
位于坐首

省牲器

省牲之日午後十刻去壇二百步所諸衛之屬禁斷行
人晡後二刻郊社令帥府史二人及齋郎以尊坩罍洗
篚罍入設于位

升壇者
自東陞

晡後三刻諸太祝與廩犧令以

牲就勝位謁者引太尉常卿贊引引御史入詣壇東陛

升視滌濯

凡導引者每曲一逆迴於視濯執尊者皆舉幕告潔

訖引降就省牲位

南向立廩犧令又前北面舉手曰脂還本位諸太祝各

循牲一匝西面舉手曰充還本位諸太祝與廩犧令以次

牽牲詣厨授太官謁者引光祿卿詣厨省鼎鑊申視濯

溉贊引引御史詣厨省饌具

太常以下每事訖各還齊所

祀日未明

十五刻太官令帥宰人以鸞刀割牲祝史以豆取毛血

各置于饌所遂烹牲

薦玉帛

祀日未明三刻諸祀官各服其服郊社令良醢令各帥

其屬入實尊壘及玉幣

凡六尊之次太尊為上實以汎齊著尊次之實以醴齊犧尊次

之實以盎齊象尊次之實以醢齊壺尊次之實以汎齊
山壘為下實以清酒配帝著尊為上實以汎齊犧尊次
之實以醴齊象尊次之實以盎齊山壘為下實以清酒
五方帝之太尊實以汎齊犧尊次之實以醴齊山壘次
之實以盎齊五帝之犧尊實以醴齊五官之象尊實以
醢齊元酒各實于五齊之上尊禮神之玉昊天上帝以
蒼璧青帝以青珪赤帝以赤璋黃帝以黃琮白帝以駒
虞黑帝以元璣天帝配帝之幣皆以蒼五方帝五帝各
從方色凡幣皆一丈有八尺太祝以玉帛置于篚太官令帥進饌者

實諸籩豆簠簋等各設饌于幔內未明五刻奉禮帥

贊者先入就位贊引引御史博士諸太祝及令史與執

尊罍篚冪者入自東門當壇南重行北面西上立定奉

禮曰再拜贊者承傳

凡奉禮有詞贊者皆承傳

御史以下皆再拜執尊

罍篚冪者各就位贊引引御史諸太祝詣壇東陞升行掃

除于上令史祝史行掃除于下訖皆就位未明一刻謁者贊

引各引祀官俱就門外位太樂令帥工人二舞次入就位文舞

入陳于懸內武舞立于懸南道西

其升壇者皆脫履于下降納如常謁者

引司空入就位立定奉禮曰再拜司空再拜謁者引司空詣壇東陞升行掃除于上降行樂懸于下訖引復位奉禮曰再拜衆官在位者皆再拜

其先拜者不拜

謁者進太尉之

左白有司謹具請行事退復位協律郎跪俛伏舉麾

凡取物者

皆跪俛伏而取以興奠物則奠訖俛伏而後興

興鼓祝奏豫和之樂乃以圜鐘

為宮黃鐘為角太簇為徵姑洗為羽作文舞之舞樂舞

六成

圜鐘三奏黃鐘太簇姑洗各一奏

偃麾戛敔樂止

凡樂皆協律郎舉麾工鼓祝而後

作偃麾戛敔而後止

奉禮曰衆官再拜衆官在位者皆再拜太祝

取玉于篚立於尊所謁者引太尉詣南陛升壇北向立
太祝加玉於幣東向授太尉太尉受玉幣登歌作肅和
之樂以大吕之均謁者引太尉進北面跪奠於天帝神
坐前俛伏興謁者引太尉立於南方北面再拜訖太祝
以幣東向授太尉太尉受幣謁者引太尉東向跪奠於
太宗神坐俛伏興謁者引太尉立於西方東面再拜初
太尉將奠配帝之幣五方帝五帝之太祝各奠玉幣於
神坐前相次而畢五官之獻官亦奠幣於神坐訖各還

本位及太尉再拜訖登歌止謁者引太尉降自南陛還
本位初衆官拜訖祝史各奉毛血之豆立於門外於登
歌止祝史奉毛血入各由其陛升諸太祝迎取於壇上
俱進奠於神坐前太祝與祝史退立於尊所

進熟

太尉既升奠玉幣太官令出帥進饌者奉饌陳於內墻
門外謁者引司徒出詣饌所司徒奉天帝之俎諸太祝
既奠毛血太官令引饌入俎初入門奏雍和之樂

自後酌獻

皆奏雅和之樂

以黃鐘之均

自後壇下之樂皆奏黃鐘

饌各至陞樂止祝史

俱進徹毛血之豆降自東陞以出天帝之饌升自午陞

配帝之饌升自卯陞五方帝之饌各由其陞諸太祝迎

引于壇上各設于神座前

籩豆蓋罍先徹乃升簋蓋既奠却其蓋于下

設訖

謁者引司徒太官令帥進饌者俱降自東陞以出司徒

復位諸太祝各還尊所又進設五官之饌相次而畢初

壇上設饌訖謁者引太尉詣壘洗盥手洗匏爵訖謁者

引太尉升自南陞詣天帝酒尊所執尊者舉罍太尉酌汎

齊訖樂作謁者引太尉進天帝神坐前北向跪奠爵興謁者引太尉立于南方北面太祝持版進于神座之右東面跪讀祝文曰維某年歲次月朔日子嗣天子臣某謹遣太尉封臣名敢昭告于昊天上帝爰茲孟夏龍見紀辰方資長育式遵常禮敬以玉帛粢盛庶品恭致燔祀表其寅肅以太宗文武聖皇帝侑神作主尚饗訖興太尉再拜初讀祝文訖樂作太祝進跪奠版於天帝神座興還罇所太尉拜訖樂止謁者引太尉詣配帝坐酒尊所

取爵于坫執尊者舉罍太尉酌汎齊訖樂作謁者引太尉進詣太宗神座前東向跪奠爵興謁者引太尉少退東向立五方帝之太祝亦各酌汎齊俱進于神坐前訖還尊所配帝之太祝持版進于神座之左北面跪讀祝文曰維某年歲次月朔日子孝曾孫開元神武皇帝臣某謹遣太尉臣某敢昭告于皇曾祖考太宗文武聖皇帝時惟正陽式遵恒典用致祀于昊天上帝伏惟道叶乾元德施品物永言配命對越昭升謹以制幣犧齊

案盛庶品式陳明薦侑神作主尚饗訖興太尉再拜初
讀祝文訖樂作太祝進跪奠版于神坐興還鐸所太尉
拜訖樂止謁者引太尉進昊天上帝神坐前北面立太
祝各以爵酌鬯福酒合置一爵一太祝持爵進太尉之右
西向立太尉再拜受爵跪祭酒啐酒奠爵興太祝各帥
齋郎進俎太祝減神前胙肉皆取前脚第二骨加于俎以胙肉
共置一俎上太祝持俎西向授太尉太尉受以授齋郎
太尉跪取爵遂飲卒爵太祝進受爵復于牀太尉興再

拜謁者引太尉降復位文舞之舞出鼓祝舒和之樂作
出訖戛敔樂止武舞入鼓祝舒和之樂作立定戛敔樂
止初太尉獻將畢謁者引太常卿詣罍洗盥手洗匏爵
訖謁者引太常卿自東陞升壇詣天帝酒罇所執尊者
舉幕太常卿酌醴齊訖武舞作謁者引太常卿進天帝
神坐前北向跪奠爵興再拜謁者引太常卿詣配帝酒
尊所取爵于坫執尊者舉幕太常卿酌醴齊訖謁者引
太常卿進太宗神坐前東向跪奠爵興再拜謁者引太

常卿立于南方北向五方帝之太祝亦各酌醴齊俱
進于神坐前訖還尊所諸太祝各以爵酌罍福酒各置
一爵一太祝持爵進太常卿之右西向立太常卿再拜
受爵跪祭酒遂飲卒爵太祝進受爵復于牀太常卿興
再拜謁者引太常卿降復位初太常卿獻將畢謁者引
光祿卿詣罍洗盥手洗匏爵酌盎齊獻正坐配坐及五
方帝之座終獻如亞獻之儀訖謁者引光祿卿降復位
初太常卿將升獻贊引引五帝之獻官各詣罍洗盥手

洗爵酌醴齊進奠於太昊氏神坐前餘坐各齋郎助奠訖還本位五帝獻將畢五官之獻官詣壘洗酌醴齊進奠於勾芒氏神坐前餘坐皆祝史助奠訖獻官還本位舞六成樂止舞獻俱畢上下諸祝各進跪徹豆興還尊

所徹者籩豆各一少移於故處

奉禮曰賜胙贊者唱衆官再拜衆官

在位者皆再拜

已飲福者不拜

預和之樂作奉禮曰衆官再拜

衆官在位者皆再拜樂一成止謁者進太尉之左白請

就望燎位別太尉就望燎位南向立於衆官將拜詣祝

各執篚進神坐取玉帛祝版齋郎以俎載牲體稷黍飯
爵酒各由其陞降壇南行經懸內當柴壇南東行自南
陞登柴壇以玉幣祝版饌物置於柴上戶內諸祝又以
五官之禮幣俱從燎奉禮曰可燎東西面各六人以炬
燎半柴謁者進太尉之左白禮畢謁者引太尉出謁者
贊引各引祀官以出贊引引御史以下俱復執事位立
定奉禮曰再拜御史以下皆再拜贊引引出工人二舞
以次出

[illegible]

大
唐
開
元
禮
卷
九

欽定四庫全書

大唐開元禮卷十

唐蕭嵩等撰

吉禮

皇帝大享于明堂

齋戒

陳設

省牲器

鑾駕出宮

薦玉帛

進熟

鑾駕還宮

齋戒

將祀有司卜日如別儀前祀七日平明太尉誓百官於尚書省曰某月某日祀昊天上帝於明堂各揚其職不供其事國有常刑皇帝散齋四日于別殿致齋三日二日于太極殿一日于行宮前致齋一日尚舍奉御設御幄于太極殿西序及室內俱東向尚舍直長張帷于前楹下致齋之日質明諸衛勒所部屯門列仗晝漏上水一刻侍中版奏請中嚴諸衛之屬各帥其隊入陳于

殿前如常儀通事舍人引文武五品已上袴褶陪位如
式諸侍衛之官各服其服諸侍臣並結珮俱詣閣奉迎
侍中版奏外辦上水三刻皇帝服通天冠絳紗袍結珮
乘輿出自西房曲直華蓋警蹕侍衛如常儀即御坐東
向坐侍臣夾侍如常一刻頃侍中前跪奏稱侍中臣某
言請降就齋室俛伏興還侍位皇帝降坐入室文武侍
臣各還省直衛者如常儀通事舍人引陪位者以次出
凡預祀之官散齋四日致齋三日

散齋皆于正寢致齋
二日于本司一日于

祀所其無本司者即二日于郊社署近侍之官應從升者及從祀羣官諸

方客使各于祀所清齋一宿散齋理事如舊唯不吊喪
問疾不作樂不判刑殺文書不行刑罰不預穢惡致齋
唯祀事得行其餘悉斷其祀官已齋而闕者通攝行事

諸祀官致齋之日給酒食及明衣各習禮于齋所光祿

卿監取明水火

太官令取水于陰鑒取火于陽燧火以供爨水以實尊

前祀二日

太尉告睿宗大聖真皇帝廟如常告之儀

告以配神作主之意

前

祀一日諸衛令其屬未後一刻各以其方服守衛明堂

四門

每門二人
每隅一人

與太樂工人俱清齋一宿

陳設

前祀三日尚舍直長施大次于明堂東門之外道北尚舍奉御鋪御坐守宮設文武侍臣次于大次之後文官在左武官在右俱南向設諸從祀官于璧水東門之外道南從祀事文官九品以上于祀官之東東方南方蕃客又于其東俱重行每等異位北向西上鄴公介公于璧水西門之外道南武官九品已上于鄴公介公之西西

方北方蕃客又于其西俱重行每等異位北向東上

其

聖侯于文官三品之下若有諸州使人分方位各于文武官之後

設陳饌慢于壁水東

門之內道北南向前祀二日太樂令設宮懸之樂于明堂前庭東方西方磬簾起北鐘簾次之南方北方磬簾起西鐘簾次之設十二鐃鐘于編懸之間各依辰位樹雷鼓于北懸之間道之左右植建鼓于四隅置祝敌于懸南祝在左敌在右設歌鐘歌磬于堂上近南北向磬簾在西鐘簾在東其匏竹者立于階間重行北向相對

為首

凡懸皆展而編之

諸工人各位于懸後東方西方以北為

上南方北方以西為上右校清掃明堂內外郊社令積

柴于燎壇

其壇于樂懸之南

方一丈高一丈二尺開上南陛

出户方六尺前祀一日奉禮設御座于堂之東南

西向設祀官公卿位于東門之內道南執事者位于公

卿之後近南每等異位俱重行西面北上設御史位于

堂下一位在東南西向一位在西南東向令史各陪其

後設奉禮位于樂懸東北贊者二人在南差退俱西向

設協律郎位于堂上午陸之西東向設太樂令位于北
懸之間設太祝奉玉帛位于柴壇之南皆北向設從
祀官位文官九品已上于執事之南東方南方蕃客又
于其南俱每等異位重行西面北上鄒公介公位于西
門之內道南武官九品以上于鄒公介公之後西方北
方蕃客于武官之南俱每等異位重行東面北上

其褒
聖侯

于文武官三品之下若有諸州
使人分方位各于文武官之後

又設祀官及從祀羣官

等門外位于東西門外道南皆如設次之式設牲牐于

東門之外當門西向南上蒼牲一居前又蒼牲一少退
又青牲二赤牲二黃牲二白牲二元牲二牲勝少退又
設廩犧令位于牲西南史陪其後俱北向設諸太祝位
于牲東各當牲後祝史陪其後俱西向設太常卿省牲
位于牲前近北又設御史位于太常卿之西俱南向設
酒尊之位于明堂之上下昊天上帝太尊二著尊二犧
尊二山罍二在室內神坐之左象尊二壺尊二山罍二
在堂下東南南向配帝著尊二犧尊二象尊二山罍二在

堂上神坐之左五方帝各太尊二著尊二犧尊二山罍
二各于室內神座之左內向五帝各著尊二在堂
上各于神坐之左俱內向五官各象尊二在階下皆于
神坐之左俱右向

堂上之尊皆置于階下之尊皆藉以席俱加勺罍設爵于尊下設

御洗于東階東南亞獻之洗又于東南俱北向罍水在
洗東篚在洗西南肆

篚實以巾爵

設五官罍洗篚罍各于酒

尊之左俱右向其執尊疊篚罍者各位于其後各設玉
幣之篚于堂之上下尊坫之間祀日未明五刻太史令

郊社令升設昊天上帝神座於明堂太室之內中央南向
席以藁秸設睿宗大聖真皇帝神座于上帝之東南西向
席以莞設青帝於木室西向赤帝於火室北向黃帝於太
室南戶之西北向白帝于金室東向黑帝于水室南向席
皆以藁秸設太昊炎帝軒轅少昊顓頊之坐各于五方帝
之左俱内向差退設五官坐于明堂之庭各依其方俱內
向席皆以莞設神座各于坐首

省牲器

省牲之日午後十刻去明堂二百步取諸衛之屬禁斷行人

晡後二刻郊社令帥府史二人及齋郎以尊坩罍洗篚冪入

設于位

升堂者自外階

晡後三刻諸太祝與廩犧令以牲就勝

位謁者引太常卿贊引引御史詣東階升堂視滌濯

凡導

引者每曲一逡巡于視濯執尊者皆舉冪告潔

訖引降就省牲位南向立廩犧

令少前曰請省牲退復位太常卿省牲廩犧令又前北

面舉手曰臚還本位諸太祝各循牲一匝西向舉手曰

充俱還本位諸太祝與廩犧令以次牽牲詣厨授太官

令謁者引光祿卿詣厨省鼎鑊申視濯漑替引引御史

詣厨省饌

太常卿以下每事訖各還尊所

祀日未明十五刻太官令帥

宰人以鸞刀割牲祝史以豆取毛血各置于饌所遂烹牲

鑾駕出宮如園丘之儀

奠玉帛

祀日未明三刻諸祀官各服其服郊社令良醢令各帥

其屬入實罇壘玉帛

凡六尊之次太尊為上實以汎齊著尊次之實以醴齊犧尊次之實

以盎齊象尊次之實以醍齊壺尊次之實以沈齊山罍
為下實以清酒配帝著尊為上實以汎齊犧尊次之實
以醴齊象尊次之實以盎齊山罍為下實以清酒五方
帝太尊為上實以汎齊著尊次之實以醴齊犧尊次之
實以盎齊山罍為下實以清酒五人帝之著尊實以醴
齊五官之象尊實以醍齊玄酒各實于五帝之上尊禮
神之玉昊天上帝以四珪有邸青帝以青珪赤帝以赤
圭黃帝以黃琮白帝以駒虞黑帝以玄璜天帝配帝之
幣皆以蒼五方帝五帝五官
各從方色凡幣帛一丈八尺太官令帥進饌者實諸遷

豆簋簠入設于東門之外饌幔內未明五刻奉禮帥贊
者先入就位贊引引御史博士諸太祝及令史祝史與
執尊壘籩罍者入自東門當壇南重行北面西上立定

奉禮曰再拜贊者承傳

凡奉禮有詞贊者皆承傳

御史以下皆再拜

訖執尊壘籩簋者各就位贊引引御史諸太祝詣壇東階升行掃除于上令史祝史行掃除于下訖各引就位駕將至謁者贊引各引祀官通事舍人分引從祀羣官諸方客使先至者俱就門外位駕至大次門外迴輅南向將軍降立于輅右侍中進當鑾駕前跪奏稱侍中臣某言請降輅俛伏興還侍位皇帝降路之大次通事舍人引文武五品以上從祀之官皆就墮外位太樂令帥

工人二舞次入文舞陳于懸內武舞立于懸南道西謁者引
司空入行掃除訖復侍位如常儀皇帝停大次半刻頃
通事舍人分引從祀文武羣官鄒公介公諸方客使及
四方蕃客使皆先入就位太常博士引太常卿立于大
次門外當門北向侍中版奏外辦皇帝服大裘而冕出
次華蓋侍衛如常儀侍衛員寶陪從如式博士引太常卿太常卿
引皇帝凡太常前引皆博士前導至內門外殿中監進大珪尚衣奉
御又以鎮珪授殿中監受進皇帝搢大珪執鎮珪華蓋

仗衛停于大次門外近侍者從入如常謁者引禮部尚

書太常少卿陪從如常皇帝至版位西向立

每立定太常卿與博

士退立

謁者贊引各引祀官次入就位立定太常卿前

奏稱請再拜退復位皇帝再拜奉禮曰衆官在位者皆

再拜

其先拜者不拜

太常卿前奏有司謹具請行事退復位協

律郎跪俛伏舉麾

凡取物者皆跪俛伏而取以興奠物則奠物俛伏而復興

鼓祝奏

豫和之樂乃以圜鐘之均林鐘為徵太簇為商南呂為

羽姑洗為角作文舞樂舞六成偃麾戛敔樂止太常卿

前奏稱再拜退復位皇帝再拜奉禮曰衆官再拜衆官
在位者皆再拜謁者引諸獻官俱詣東陛升堂立于尊所
太祝與諸獻官皆跪取玉幣于篚立于東南隅西向北
上配帝太祝立于西南隅東向北上五方帝五帝五官
諸太祝及獻官又取幣于篚立于尊所太常卿引皇帝太
和之樂作皇帝每行皆作太和之樂皇帝升自南陛侍中中書令以
下及左右侍衛量人從升以下皆如之皇帝升堂北向立樂止太
祝加玉於幣以授侍中侍中奉玉幣西向進皇帝搢鎮圭受

玉帛

凡受物皆播鎮圭奠訖執珪俛伏興

登歌作肅和之樂以大吕之均

太常卿引皇帝進北面跪奠于昊天上帝神坐俛伏興
太常卿引皇帝立於南方北面五方帝之太祝奉玉帛各奠
於其神坐還尊所皇帝再拜訖太祝又以配帝之幣授侍中
侍中奉幣北向進皇帝受幣太常卿引皇帝進東向跪
奠于睿宗大聖真皇帝神坐前俛伏興太常卿引皇帝
立于西方東向五帝之獻官各奠幣于神坐五官之
祝次奠幣于神坐各還尊所皇帝再拜訖登歌止太常

卿引皇帝樂作皇帝降自南陛還版位西向立樂止初
羣官拜訖祝史皆奉毛血之豆立于堂下于登歌止祝
史奉毛血各由其陞升諸太祝迎取于堂上俱進奠于
神坐前太祝與祝史退立于罇所

進熟

皇帝既升奠玉帛太官令帥進饌者奉饌陳于內壝門
外謁者引司徒出詣饌所司徒奉天帝之俎皇帝既至
位樂止太官令引饌入俎初入門雍和之樂作以黃鐘

之均饌至陞樂止祝史俱進徹毛血之豆降自東陞以出天帝之饌升自午陞配帝之饌升自卯陞五方帝五帝之饌各由其陞諸太祝迎引于堂上各設于神坐前

籩豆蓋冪先徹乃升籩簋既奠却其蓋于下

設訖謁者司徒太官令帥進饌

者降自東陞以出司徒復位諸太祝各還尊所又進設五官之饌相次而畢初壇上設饌訖太常卿引皇帝詣壘洗樂作皇帝至壘洗樂止侍中跪取匱興沃水又侍中跪取盤興承水皇帝盥手黃門侍郎跪取巾于篚興

進皇帝悅手訖黃門侍郎受巾跪奠于篚黃門侍郎又
取匏爵於篚興進於皇帝皇帝受爵侍中酌壘水又侍中奉
盤承水皇帝洗爵黃門侍郎又授巾皆如初皇帝拭爵
訖侍中奠盤匱黃門侍郎受巾奠于篚皆如初太常卿
引皇帝樂作皇帝自南陛升堂樂止太常卿引皇帝詣
天帝酒尊所執尊者舉罍侍中贊酌汎齊訖壽和之樂
作皇帝每酌獻飲福
皆作壽和之樂太常卿引皇帝進昊天上帝神坐

前北向跪奠爵悅伏興太常卿引皇帝立于南方北向

太祝一人持版進于皇帝之右西向跪讀祝文曰維某
年歲次某月朔日子嗣天子臣某敢昭告于昊天上帝
惟神覆燾羣生甄陶庶類不言而信普博無私謹擇元
辰祇率恒禮敬以玉帛犧齊粢盛庶品肅恭禋祀式展
誠敬皇考睿宗大聖真皇帝配神作主尚饗訖興皇帝
再拜初讀祝文訖樂作太祝進奠版于天帝神坐前還
尊所皇帝拜訖樂止太常卿引皇帝詣配帝酒尊所執
尊者舉冪侍中取爵于拈進皇帝受爵侍中贊酌汎

齊訖樂作太常卿引皇帝進睿宗大聖真皇帝神坐前
東向跪奠爵俛伏興太常卿引皇帝立于西方東向謁
者五人引五方帝之太祝詣壘洗盥手俱取匏爵于坫
酌汎齊各進奠于其神坐前還尊所樂止配帝太祝一
人持版進于皇帝之右北面跪讀祝文曰維某年歲次
月朔日子孝子開元神武皇帝臣某敢昭告于皇考睿
宗大聖真皇帝祇率舊章肅若恒禮敬致禋祀于昊天
上帝惟皇考德光宇宙道叶乾元申錫無疆實膺嚴配

謹以制幣犧齊粢盛庶品肅恭明薦侑神作主尚饗訖
興皇帝再拜初讀祝文訖樂作太祝進奠版于神坐還
尊所皇帝拜訖樂止太常卿引皇帝南方北向立樂作
諸太祝各以爵酌上尊福酒合置一爵一太祝持爵授
侍中侍中受爵西向進皇帝再拜受爵跪祭酒啐酒奠
爵俛伏興太祝各帥齋郎進俎太祝減神前胙肉加于
俎以胙肉共置一俎上一太祝持俎以授司徒司徒奉俎
西向進皇帝受以授左右謁者引司徒降復位皇帝跪

取爵遂飲卒爵侍中進受爵以授太祝太祝受爵復于
坵皇帝俛伏興再拜樂止太常卿引皇帝樂作皇帝降
自南陛還版位西向立樂止文舞出鼓祝作舒和之樂
出訖夏啟樂止武舞入鼓祝作舒和之樂立定夏啟樂
止皇帝獻將畢謁者引太尉詣壘洗盥手洗匏爵訖太
尉自卯陛升堂詣天帝著尊所執尊者舉簾太尉酌醴
齊武舞作謁者引太尉進天帝神坐前北向跪奠爵興
再拜訖謁者引太尉詣配帝酒尊所取爵于坵執尊者

舉罷太尉酌醴齊謁者引太尉進睿宗大聖真皇帝神
坐前西向跪奠爵興再拜訖謁者引五方帝之太祝各
取爵于坫酌醴齊俱進奠于其神坐謁者引太尉立于
南方北向再拜訖諸太祝各以爵酌壘福酒合置一爵
一太祝持進太尉之右西向立太尉再拜受爵跪祭酒
遂飲卒爵太祝進受爵復于坫太尉興再拜謁者引太
尉降復位初太尉獻將畢謁者引光祿卿詣壘洗匏爵
升酌盞齊獻正坐配坐五方帝之祝亦各酌盞齊奠神

坐終獻如亞獻之儀謁者引光祿卿及諸獻官降復位
初太尉將升獻謁者引五帝之獻官詣壘洗盥手洗匏
爵各由其陞升俱酌醴齊跪奠于帝太昊氏神坐前餘
坐齋郎助奠相次畢各還本位五帝獻將畢謁者引五
官之獻官各詣壘洗盥手洗匏爵訖各進酌醴齊跪奠
于勾芒氏神坐前餘坐齋郎助奠相次畢各還本位及
終獻畢武舞六成樂止舞獻俱畢上下諸祝各進跪徹
豆興還尊所徹者邊豆各一少移于故處奉禮曰賜胙贊者唱衆官

再拜衆官在位者皆再拜

已飲福者不拜

豫和之樂作太常卿

前奏稱請再拜退復位皇帝再拜奉禮曰衆官再拜衆

官在位者皆再拜樂一成止太常卿前奏請就望燎位

太常卿引皇帝樂作皇帝就望燎位南向立樂止于羣

官將拜諸祝各執籩神坐前取玉帛祝版齋郎以俎載

牲體稷黍飯酒各由其陞降壇南行經懸內當柴壇南

東行自南陞登柴壇以玉帛祝版饌物置于柴壇上

戶內奉禮曰可燎東西面各六人以炬燎火半柴太常

卿前奏禮畢太常卿引皇帝還大次樂作皇帝出門殿中監前受鎮珪以授尚衣奉御殿中監又前受大珪華盖侍衛如常儀皇帝入次樂止謁者贊引各引祀官通事舍人分別引從祀羣官諸方客使及蕃客以次出御史太祝協律郎以下俱復執事位立定奉禮曰再拜御史以下皆再拜贊引出工人二舞以次出

鑾駕還宮如園丘之儀

大唐開元禮卷十

欽定四庫全書

大唐開元禮卷十一

唐 蕭嵩等 撰

吉禮

季冬大享於明堂有司攝事

齋戒

陳設

省牲器

薦玉帛

進熟

齋戒

欽定四庫全書

大曆開元利
卷十一

將祀有司卜日如別儀前祀七日平明太尉誓百官於尚書省曰某月某日祀昊天上帝於明堂各揚其職不供其事國有常刑凡預祀之官散齋四日致齋三日

散齋皆於正寢致齋二日於本司一

日於祀所其無本司者則皆於祀所

散齋理事如舊唯不弔喪問疾不作樂不

判署刑殺文書不行刑罰不預穢惡致齋唯祀事得行其餘

悉斷其祀官已齋而闕者通攝行事諸祀官致齋之日給酒

食及明衣各習禮於齋所光祿卿監取明水火

太官令取水於陰鑒取火

於陽燧火以供爨水以實罇

前祀二日太尉告睿宗大聖真皇帝廟如常

祀一日諸衛令其屬未後一刻各以其方器服守衛明

堂四門

每門二人
每隅一人

與太樂工人俱清齋一宿

陳設

前祀三日守官設祀官公卿以下次于壁水東門之外
道南北向以西為上設陳饌幔于壁水東門之內道北
南向前祀二日太樂令設宮懸之樂於明堂前庭東方
西方磬簾起北鐘簾次之南方北方磬簾起西鐘簾
次之設十二鈎鐘于編懸之間各依辰位樹雷鼓于北

懸之內道之左右植建鼓于四隅置祝斂于懸內祝在左斂在右設歌鐘歌磬于堂上前楹下北向磬簋在西鐘簋在東其匏竹者立于堂下重行北向相對為首

凡懸

皆展而編之

諸工人各位于懸後東方西方以北為上南方

北方以西為上右校清掃明堂內外郊社令積柴于燎

壇

其壇于樂懸之間

方一丈二尺開上南出戶方六尺前祀一

日奉禮設祀官公卿位于堂之東南執事者位又于公卿東南每等異位俱重行西面北上設御史位于堂下

一位于東南西向一位于西南東向令史各陪其後設
奉禮位于樂懸東北贊者二人在南差退俱西向又設
協律郎位于堂上午陛之西東向設太樂令位於北懸之
間設望燎位于柴壇之北南向設祀官公卿以下門外
位皆于東門之外道南每等異位重行北面西上設牲
膀于東門之外當門西向南上蒼牲一居前又蒼牲一
少退又青牲二黃牲二白牲二元牲二皆在北少退設
廩犧令位于牲西南史陪其後俱北向設諸太祝位于

牲東各當牲後祝史陪其後設太常卿省牲位于牲前
近北又設御史位于太常卿之西俱南向設酒樽之位
于堂之上下昊天上帝太樽二著樽二山罍二在室內
神坐之左象樽二壺樽二山罍二在堂下東南西向配
帝著尊二犧尊二象尊二山罍二在堂上于神坐之左五
方帝各太樽二著尊二犧尊二山罍二各于神坐之左內
向五帝著尊二亦于神坐之左俱內向五官各象樽二
在階下并于神坐之左俱右向

堂上之尊皆置于階下之樽皆藉以席俱加

罍勺設爵于尊下

設洗于東階東南亞獻之洗又于東南北向

罍水在洗東篚在洗西南肆

篚實以巾爵

設五官罍洗篚罍

各于酒樽之左俱右向其執尊罍篚罍者各位于其後

各設玉幣之篚于堂上下樽坫之間祀日未明五刻太

史令郊社令升設昊天上帝神坐于明堂太室之內中

央南向席以藻秸設睿宗大聖真皇帝神坐于上帝之

左西向設青帝于木室西向赤帝于火室北向黃帝于

太室南戶之西北向白帝于金室東向黑帝于水室南

向席皆以橐秸設太昊炎帝軒轅少昊顓頊之坐各于

五方帝之左俱内向差退

若非明堂五室亦如雩祀圜丘設座之禮

設五官

神坐于明堂之庭各依其方内向席皆以莞設神坐各

于坐首

省牲器

省牲之日午後十刻去明堂三百步所諸衛之屬禁斷行人

晡後三刻郊社令帥府史二人及齋郎以樽坩罍洗篚簠入

設于位

升堂者即外陸

晡後三刻諸太祝與廩犧令以牲就牐

位謁者引太常卿贊引引御史入詣郊陛升堂視滌濯

凡導引者每曲一逡巡于視濯執樽者皆舉幕告潔訖引降就省牲位南向立廩

犧令少前曰請省牲退復位太常卿省牲廩犧令又前

北面舉手曰肅還本位諸太祝各循牲一匝西面舉手

曰充俱還本位諸太祝與廩犧令以次牽牲詣厨授太官

謁者引光祿寺詣厨省鼎鑊申視濯漑贊引引御史詣

厨省饌具太常卿以下每事訖各還齋所祀日未明十五刻太官令帥

宰人以鑿刀割牲祝史以豆取毛血各置于饌所遂烹

牲

薦玉帛

祀日未明三刻諸祀官各服其服郊社令良醢令各帥

其屬入實樽罍及玉幣

凡六尊之次太尊為上實以汎齊著尊次之實以醴齊犧樽次

之實以盞齊象尊次之實以醴齊壺尊次之實以沈齊山罍為下實以清酒五方帝太樽為上實以汎齊著尊次之實以醴齊犧樽次之實以盞齊山罍為下實以清酒配帝著尊為上實以汎齊犧樽次之實以醴齊象尊次之實以盞齊五帝之著尊實以醴齊五官之象尊實以醴齊玄酒各實于五齊之上尊禮神之玉昊天上帝以四圭有邸青帝以青圭赤帝以赤璋黃帝以黃琮白帝以騶虞黑帝以元璜天帝配帝之幣皆以蒼五方帝五帝各從本方色禮

幣皆長一丈有八尺諸太祝以玉帛置于篚太官令帥進饌者

實諸籩豆等皆設于饌幔內未明二刻奉禮帥贊者先入就位贊引引御史博士諸太祝及令史祝史與執尊

蠡篚纂者入自東門當午陛之南重行北面西上立定奉

禮曰再拜贊者承傳

凡奉禮有詞贊者皆承傳

御史以下皆再拜訖

執樽蠡篚纂者各就位贊引引御史諸太祝詣堂外陛
升行掃除于上令史祝史行掃除于下訖引降就位未
明一刻謁者贊引各引祀官俱就門外位太樂令帥工

人二舞次入就位文舞入陳于懸內武舞立于懸南道

西

其升堂者皆脫履于下降納如常

謁者引司空入就位立定奉禮曰

再拜司空再拜謁者引司空詣堂外陞升行掃除于上

降行樂懸于下訖引復位謁者贊引各引祀官次入就

位立定奉禮曰衆官再拜衆官在位者皆再拜

其先拜者不拜

謁者進太尉之左白有司謹具請行事退復位協律郎

跪伏舉麾

凡取物者皆跪俛伏而取以興奠物則奠訖俛伏而後興

鼓祝奏豫和之

樂乃以圜鐘之均作文舞之舞樂舞六成

林鍾三奏黃鍾太簇姑洗

各一奏

偃麾戛敔樂止

凡樂皆協律郎舉麾工鼓祝而後作偃麾戛敔而後止

奉禮

曰衆官再拜衆官在位者皆再拜謁者引諸助奠者俱詣東陛升堂立于罇所太祝與諸助奠者皆跪取玉幣于篚立于東南隅西向北上配帝太祝立于西南隅東向北上五方上帝五帝太祝又取幣于篚立于尊所訖謁者引太尉詣南陛升北向立太祝加玉于幣東向授太尉太尉受玉幣

凡受物皆播笏跪奠訖執笏俛伏興

登歌作肅和之樂

以大吕之均謁者引太尉進北向跪奠于昊天上帝神

坐前訖俛伏興謁者引太尉少退北向立謁者五人引
五方帝之太祝各奉玉幣奠於神坐訖還搏所太尉再
拜訖配帝之太祝又以幣授太尉太尉受幣謁者引太
尉進東向跪奠于睿宗大聖真皇帝神坐前俛伏興謁
者引太尉少退東向立又謁者引五帝之獻官亦各以
幣奠于其神坐前五官之祝亦各以幣奠神坐訖太尉
再拜訖謁者引太尉降就位登歌止初衆官再拜訖諸
祝史各奉毛血之豆立于堂下于登歌止祝史奉毛血

入各由其陞升諸太祝迎取于壇上俱進奠于神坐諸太祝與祝史退立于樽所

進熟

太尉既升奠玉幣大官令出帥進饌者各奉饌陳于門外謁者引司徒出詣饌所司徒奉天帝之俎諸太祝既奠毛

血太官令引饌入俎初入門奏雍和之樂

自後酌獻皆奏雍和之樂

皆以黃鐘之均

自後堂下之樂皆奏黃鐘

饌各至階樂止祝史俱進

徹毛血之豆降自東陞以出天帝之饌升自午陞配帝

之饌升自外陞五方上帝五帝之饌各由其陞諸太祝
迎引于堂上各設于神坐前

籩豆蓋羣先徹乃升籩
簋既奠却其蓋于下

設

訖謁者司徒太官令帥進饌者降自東陞以出司徒復
位諸太祝各還樽所又進設五官之饌相次而畢初壇
上設饌訖謁者引太尉升自午陞詣天帝酒尊所執樽
者舉羣太尉酌汎齊訖樂作謁者引太尉入詣天帝神
坐前北面跪奠爵興謁者引太尉少退北向立五方帝
諸太祝取匏爵于坫酌汎齊各進奠于神坐前訖還尊

所樂止太祝一人持版進于神坐之右東面跪讀祝文
曰維某年歲次月朔日子嗣天子臣某謹遣太尉封
臣名敢昭告于昊天上帝惟神覆燾羣生陶甄庶類不
言而信普博無私謹擇元辰祇率恒禮敬以玉帛犧齊
粢盛庶品肅恭禋祀式展誠敬皇考睿宗大聖真皇帝
配神作主尚饗訖興太尉再拜初讀祝文訖樂作太祝
進版于天帝神坐還樽所太尉再拜訖樂止謁者引太
尉詣配帝酒樽所取爵於坫執樽者舉幕太尉酌汎齊

訖樂作謁者引太尉進睿宗大聖真皇帝坐前東向跪
奠爵俛伏興太尉少退東向立謁者五人引五方帝之
太祝俱取爵于坫酌汎齊各進奠于其神坐前訖還樽
所樂止太祝一人持版進于神坐之右北面跪讀祝文
曰維某年歲次月朔日子孝子開元神武皇帝臣某謹
遣太尉封臣名敢昭告于皇考睿宗大聖真皇帝祇率
舊章肅若恒禮致敬禋祀昊天上帝惟皇考德光宇宙
道叶乾元申錫無疆實膺嚴配謹以制幣犧齊粢盛庶

品肅恭明薦侑神作主尚饗訖興太尉再拜初讀祝文
訖樂作太祝進奠版于神坐訖還樽所立太尉再拜訖
樂止謁者引太尉少退北向立樂作諸太祝各以爵酌
疊福酒合置一爵一太祝持爵進太尉之右西向立太
尉再拜受爵跪祭酒啐酒奠爵興諸太祝各帥齋郎進
俎太祝減神前胙肉皆取前脚第二骨加于俎以胙肉共置一
俎上太祝持俎西向授太尉太尉受以授齋郎太尉跪
取爵遂飲卒酌太祝進受爵復于坫太尉興再拜謁者

引太尉降復位文舞出鼓祝作舒和之樂出訖戛敔樂止武舞入鼓祝作舒和之樂立定戛敔樂止初太尉將復位謁者引太常卿詣罍洗盥手洗匏爵訖謁者引太常卿自外陞升堂詣天帝著樽所執尊者舉纂太常卿酌醴齊舞作謁者引太常卿進昊天上帝神坐前北向跪奠爵興謁者引太常卿立于南方北向再拜訖謁者引太常卿詣配帝酒樽所取爵于坫執樽者舉纂太常卿酌醴齊謁者引太常卿進睿宗大聖真皇帝神坐前

東向跪奠爵興五方帝之太祝亦各取爵于坫酌醴齊
俱進奠于其神坐訖謁者引太常卿立于南方北向再
拜訖諸太祝各以爵酌罍福酒合置一爵一太祝持爵
進於太常卿之右西向立太常卿再拜受爵跪祭酒遂飲
卒爵太祝進受爵復于坫太常卿再拜興謁者引太常
卿降復位初太常卿獻將畢謁者引光祿卿詣罍洗匏
爵升酌盞齊獻正坐配坐五方帝之祝亦各酌盞齊獻
神座訖終獻皆如亞獻之儀謁者引光祿卿降復位初太

常卿將升獻謁者五人分引五帝之獻官詣罍洗盥洗
匏爵各由其陞俱酌醴齊各跪奠于帝太昊氏神坐餘
坐齋郎助奠訖各還本位五帝獻將畢謁者引獻官詣
罍洗盥手洗爵訖各進酌醴齊跪奠于勾芒氏神坐前
餘坐齋郎助奠訖各還本位及終獻畢武舞六成樂止
諸祝各進跪徹豆興還樽所徹者籩豆各一少移故處奉禮曰賜胙
贊者唱衆官再拜已飲福受胙者不拜豫和之樂作奉禮曰衆官再
拜衆官在位者皆再拜樂一成止謁者進太尉之左白請就

望燎位謁者引太尉就望燎位南向立于衆官將拜諸祝史
執籩進神前取玉帛祝版齋郎以俎載牲體稷黍飯各由其
陛降壇南行經懸內當柴壇南東行自南陞登柴壇以
玉帛祝版饌物置于柴上戶內奉禮曰可燎東西面各
六人以炬燎火半柴謁者曰禮畢遂引太尉出謁者贊
引各引祀官以次出贊引引御史太祝以下俱復執事
位立定奉禮曰再拜御史以下皆再拜贊引引出工人二
舞以次出

大唐開元禮卷十一

欽定四庫全書

史部

大唐開元禮卷十二至十六

詳校官編修_臣曹錫齡

編修_臣程嘉謨覆勘

總校官編修_臣王燕緒

校對官中書_臣吳俊

謄錄監生_臣周克鵬

欽定四庫全書

大唐開元禮卷十一

唐 蕭嵩等 撰

吉禮

皇帝立春日青帝於東郊

齋戒

陳設

省牲器

鑾駕出宮

奠主帛

進熟

鑾駕還宮

齋戒

前祀七日平明太尉誓百官於尚書省曰某月某日祀青帝於東郊各揚其職不供其事國有常刑皇帝散齋

四日致齋三日如圜丘之儀凡預祀之官散齋四日致

齋三日

散齋皆於正寢致齋二日於本司一日於祀所其無本司者皆於祀所

近侍之官

應從升者及從祀羣官諸方客使各於本司及公館清齋一宿凡散齋理事如舊唯不弔喪問疾不作樂不判署刑殺文書不行刑罰不預穢惡致齋唯祀事得行其

餘悉禁祀官以下已齋而闕者通攝行事諸祀官致齋

之日給酒食及明衣各習禮於齋所光祿卿監取明水

火

太官令取水於陰鑿取火於陽燧火以供爨水以實樽

前祀一日諸衛令其

屬未後一刻各以其方器守衛墻門與太樂工人俱清齋一宿

陳設

前祀三日尚舍直長施大次於外墻東門之內道北南向尚舍奉御鋪御坐衛尉設陳饌幔於內墻東門之外道

南北向設文武侍臣次又設祀官及從祀羣官諸州使人蕃客等次前祀二日太樂令設宮懸之樂於壇南內壇之內設歌鐘歌磬於壇上各如圜丘之儀右校掃除壇之内外郊社令積柴於燎壇

其壇於樂懸之南外壇之內

方一丈

高一丈二尺開上南出戶方六尺前祀一日奉禮設御位於壇東南南向設望燎位於柴壇之北南向設祀官公卿位於內壇東門之外道南分獻之官於公卿之南執事者位於其後每等異位俱重行西向北上設御史位

於壇下一位在東南西向一位在西南東向令史各陪
其後設奉禮位於樂懸東北贊者二人在南差退俱西
向設協律郎位於壇上南陛之西東向設太樂令位於北
懸之間北向設從祀之官文官九品已上位於執事之南
東方南方朝集使於文官之南東方南方蕃客又於其
南俱每等異位重行西面北上鄺公介公位於內壝西
門之外道南武官九品已上於鄺公介公之後西方北
方朝集使於武官之南西方北方蕃客又於其南俱每

等異位重行東面北上

其褒聖侯於文官三品之下諸州使人分方各位於朝集使人

後

又設祀官及從祀羣官等門外位於東西墻門之外

道南皆如設次之式設牲牐東墻之外當門西向配帝牲牐少退南上設廩犧令位於牲西南祝史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北南向設青帝酒樽於壇之上下太樽二著樽二犧樽二山罍二在壇上於東南隅北向象樽二壺樽二山罍二在壇下皆於南陛之東北向

西上設配帝著樽二犧樽二象樽二山罍二在壇上於
青帝酒樽之東北向西上歲星三辰勾芒氏俱象樽二
各設於神坐之左皆右向七宿壺樽二設於神坐之右而
左向

青帝配帝之樽置於姑星辰以下樽藉以席皆加勺罍設爵於樽下

設御洗於壇南陞

東南亞獻之洗又於東南俱北向罍水在洗東篚在洗西

南肆

篚實以巾爵

設星辰以下罍洗篚罍各於其方陞道之

左俱內向執樽罍篚罍者各於其後又設玉幣之篚於
壇之上下樽坫之所祀日未明五刻太史令郊社令升設

青帝靈威仰神位於壇上北方南向席以藁秸設帝太昊氏神坐於東方西向席以莞設歲星三辰之坐於壇之東北七宿之坐於壇之西北各於其壇下南向相對爲首設勾芒氏之坐於壇之東南西向席皆以莞設神坐各於坐首

省牲器

省牲之日午後十刻去壇二百步所諸衛之屬禁斷行人晡後二刻郊社令帥府史二人及齋郎以樽拈蠹洗匱羃入設於位太祝與廩犧令以牲就牓位謁者引太

常卿贊引引御史詣壇東陞升視滌濯於上

於視濯執樽者皆舉

羅告

訖引太常卿降復位謁者進太尉之左白請就門

外位謁者贊引各引祀官以下就門外位謁者引太常卿就省牲位南向立廩犧令少前曰請省牲退復位太常卿省牲廩犧令又前北面舉手曰臚還本位諸太祝各循牲一匝西面舉手曰充俱還本位諸太祝與廩犧令以次牽牲詣厨授太官令謁者引光祿卿詣厨省鼎鑊申視濯既謁者贊引各引祀官御史就厨省饌具訖俱還齋

所祀日未明十五刻太官令帥宰人以鸞刀割牲祝史以豆取毛血各置於饌所遂烹牲

鑾駕出宮如園丘之儀

奠玉帛

祀日未明三刻諸祀官各服其服郊社令良醞令各率

其屬入實樽壘玉幣

凡六樽之次太樽為上實以汎齊著樽次之實以醴齊犧樽次之實

以盎齊象樽次之實以醢齊壺樽次之實以汎齊犧樽次之實為下實以清酒配帝著樽為上實以汎齊犧樽次之實以醢齊象樽次之實以盎齊其歲星三辰勾芒氏之象樽俱實以醢齊七宿之壺樽俱實以汎齊玄酒各實於五

齊之上樽禮神之玉
以青珪其幣各以青

太官令帥進饌者實諸籩豆簋簋

入設於內壝東門之外饌幔內未明二刻奉禮帥贊者
先入就位贊引引御史博士諸太祝及令史祝史與執樽
壘籩罍者入自東壝門當壇南重行北面西上立定奉
禮曰再拜贊者承傳御史以下皆再拜訖執樽壘籩罍者
各就位贊引引御史博士諸太祝詣東陛升行掃除於
上令史祝史行掃除於下訖引就位車駕將至謁者贊
引引祀官通事舍人分引從事羣官諸方客使先至者

就門外位駕至大次門外迴輅南向將軍降立於輅右
侍中進當鑾駕前跪奏稱侍中臣某言請降輅俛伏興
還侍位皇帝降輅之大次通事舍人各引文武九品已
上從祀之官皆就壇外位太樂令帥工人二舞次入就
位文舞入陳於懸內武舞立於懸南道西謁者引司空
入行掃除訖出復位如常儀皇帝停大次半刻頃通事
舍人贊引各引從祀羣官介公鄼公諸方客使先入就
位太常博士引太常卿立於大次門當門北向侍中版

奏外辦皇帝服大裘而冕出次華蓋侍衛如常儀博士

引太常卿太常卿引皇帝

凡太常卿前導皆博士先引

至內墻門外

殿中監進大珪尚衣奉御又以鎮珪授殿中監殿中監

受進皇帝搢大珪執鎮珪華蓋仗衛停於門外近侍者

從入如常謁者引禮部尚書太常少卿陪從如常儀皇

帝至版位西向立

每立定太常卿博士即退立於左

謁者贊引各引祀

官次入就位立定太常卿前奏稱再拜退復位皇帝再

拜奉禮曰衆官再拜衆官在位者皆再拜

其先拜者不拜

太常

欽定四庫全書

大唐開元禮
卷十二

卿前奏有司謹具請行事退復位協律郎跪俛伏興舉

麾

凡取物者皆跪俛伏而取以興奠物則奠訖俛伏而後興

鼓祝奏角音乃以黃鐘

之均文舞之舞樂舞六成偃麾戛敔樂止太常卿前奏稱請再拜退復位皇帝再拜奉禮曰衆官再拜衆官在位者皆再拜上下諸太祝俱取玉幣於篚各立於樽所太常卿引皇帝太和之樂作皇帝詣壇升自南陛侍中中書令以下左右侍衛量人從升壇皇帝升壇北向立樂止太祝加玉於幣以授侍中侍中奉玉帛東向進皇

帝搢鎮珪受玉幣登歌作肅和之樂以大呂之均太常
卿引皇帝進北面跪奠於青帝靈威仰神坐俛伏興太
常卿引皇帝少退北向再拜訖太常卿引皇帝立於西
方東向又太祝以幣授侍中侍中奉幣北向進皇帝受
幣太常卿引皇帝進東向跪奠於帝太昊氏神坐俛伏
興太常卿引皇帝少退東向載拜訖登歌止太常卿引
皇帝樂作皇帝降自南陛還版位西向立樂止皇帝初
奠配帝之幣星辰以下諸祝各以幣進奠於神坐還樽

所初羣官拜訖祝史各奉毛血之豆立於門外之東登歌止祝史奉毛血入各由其陞升諸太祝迎取於壇上俱進奠於神坐前諸太祝與祝史退立於樽所

進熟

皇帝既升奠玉帛太官令帥進饌者奉饌陳於內壝門外謁者引司徒出詣饌所司徒奉青帝之俎初皇帝既至位樂止太官令引饌入俎初入門雍和之樂作以黃鐘之均饌至陞樂止祝史俱進跪徹毛血之豆降自東

陞以出青帝之饌升自南陞配帝之饌升自東陞諸

太祝迎引於壇上各設於神坐前

籩豆蓋罍先徹乃升
籩簋既奠却其蓋於下

設訖謁者引司徒太官令帥進饌者俱降自東陞以出
司徒復位諸太祝各還樽所又進設星辰以下之饌相
次而畢太常卿引皇帝詣壘洗樂作皇帝至壘洗樂止
侍中跪取匱興沃水又侍中跪取盤興承水皇帝盥手
黃門侍郎跪取巾於匱興進皇帝悅手訖黃門侍郎受巾
跪奠於匱遂取匏爵於匱興進皇帝受爵侍中酌壘水又

侍中奉盤皇帝洗爵黃門侍郎又授巾皆如初皇帝拭爵訖侍中奠盤匱黃門侍郎受巾奠於篚皆如初太常卿引皇帝樂作皇帝詣壇升自南陛樂止謁者引司徒升自東陛立於樽所齋郎奉俎升立於司徒之後太常卿引皇帝詣青帝酒樽所執樽者舉罍侍中贊酌汎齊訖壽和之樂作太常卿引皇帝進青帝靈威仰神坐前北向跪奠俛伏興太常卿引皇帝少退北向立樂止太祝持版進於神坐之右東向跪讀祝文曰維某年歲次

月朔日子嗣天子臣某敢昭告于青帝靈威仰獻春伊始時惟發生品物昭蘇式遵恒禮敬以玉帛犧齊粢盛庶品肅恭燔祀暢茲和德帝太昊氏配神作主尚饗訖興皇帝再拜初讀祝文訖樂作太祝進跪奠版於神坐前興還樽所皇帝再拜訖樂止太常卿引皇帝詣配帝酒樽所執樽者舉罍侍中取爵於坩進皇帝爵侍中贊酌汎齊訖樂作太常卿引皇帝進帝太昊氏神坐前東向跪奠爵俛伏興太常卿引皇帝少退東向立樂止太

欽定四庫全書

大唐開元禮
卷十二

十

祝持版進於神坐之左北面跪讀祝文曰維某年歲次
月朔日子嗣開元神武皇帝臣諱敢昭告于帝太昊氏
爰始立春盛德在木用致燔柴于青帝靈威仰惟帝布
茲仁政功叶上玄謹以制幣犧齊粢盛庶品脩茲明薦
配神作主尚饗訖興皇帝再拜初讀祝文訖樂作太祝
進跪奠版於神坐興還樽所皇帝拜訖樂止太常卿引
皇帝進青帝神坐前北向立樂作太祝各以爵酌上樽
福酒合置一爵一太祝持爵授侍中侍中受爵西向進

皇帝再拜受爵跪祭酒啐酒奠爵俛伏興太祝各
帥齋郎進俎太祝臧神前胙肉加於俎以胙肉共
置一俎上太祝持俎以授司徒司徒奉俎西向進
皇帝受以授左右謁者引司徒降復位皇帝跪取
爵遂飲卒爵侍中受爵以授太祝太祝受爵復
於圻皇帝俛伏興再拜樂止太常卿引皇帝樂
作皇帝降自南陛還版位西向立樂止文舞入鼓
柷作舒和之樂出訖戛敔樂止武舞入鼓柷作舒

欽定四庫全書

大唐開元禮
卷十二

十一

和之樂出訖，戛敔樂止。皇帝獻將畢，謁者引太尉詣
壘洗盥手，洗匏爵訖，謁者引太尉自東階升壇，詣青
帝著樽所，執樽者舉幕，太尉酌醴，齊武舞作，謁者
引太尉進青帝神坐前北，向跪奠爵興，謁者引太
尉少退北，向再拜，謁者引太尉詣配帝犧樽所，取
爵於坫，執樽者舉幕，太尉酌醴，齊謁者引太尉進青
太昊氏神坐前東，向跪奠爵興，謁者引太尉少退東，
向再拜，謁者引太尉進青帝神坐前北，面立太祝各

以爵酌罍福酒合置一爵一太祝持爵進太尉之右西
向立太尉再拜受爵跪祭酒遂飲卒爵太祝進受爵復於
坫太尉降復位初太尉獻將畢謁者引光祿卿詣罍洗
盥手洗匏爵升酌盞齊終獻如亞獻之儀訖謁者引光
祿卿復位初太尉將升獻贊引三人各引獻官以次
詣罍洗盥手洗爵一獻歲星三辰一獻勾芒氏一獻七
宿各詣酒樽所俱酌酒進跪奠於坐首興餘坐皆祝史
助奠相次而畢贊引各引獻官還本位武舞六成樂止

欽定四庫全書

大唐開元禮
卷十二

十三

舞獻俱畢上下諸祝各進跪徹豆興還樽所

徹者籩豆各一少移

於故處

奉禮曰賜胙贊者唱衆官再拜衆官在位者皆再

拜

已飲福受胙者不拜

豫和之樂作太常卿前奏稱請再拜退復

位皇帝再拜奉禮曰衆官再拜衆官在位者皆再拜樂

一成止太常卿前奏請就望燎位太常卿引皇帝樂作

皇帝就望燎位南向立樂止於羣官將拜上下諸祝各

執籩進神坐前跪取玉帛祝版齋郎以俎載牲體稷黍

飯及酒爵興各自陞降壇南行經懸內當柴壇南東行

自南陛登柴壇以玉幣祝版饌物置於柴上戶內諸祝又以星辰以下之禮幣皆從燎奉禮曰可燎東西兩面各六人以炬燎火半柴太常卿前奏禮畢太常卿引皇帝還大次樂作皇帝出內壝門殿中監前受鎮珪以授尚衣奉御殿中監前受大珪華蓋侍衛如常儀皇帝入次樂止謁者贊引引祀官通事舍人引從事羣官諸方客使以次出贊引引御史以下俱復執事位立定奉禮曰再拜御史已下皆再拜贊引引出工人二舞以次皆

欽定四庫全書

大唐開元禮
卷十二

十三

出

鑾駕還宮如園丘之儀

大唐開元禮卷十二

欽定四庫全書

大唐開元禮卷十三

唐 蕭嵩等 撰

吉禮

立春祀青帝於東郊有司攝事

齋戒

陳設

省牲器

奠玉帛

進熟

齋戒

前祀七日平明太尉誓百官於尚書省曰某年某日祀

東方青帝於東郊各揚其職不供其事國有常刑凡預祀

之官散齋四日致齋三日

散齋各於正寢致齋二日於本司一日於祀所其無本司者

各於祀所散齋理事如舊唯不弔喪問疾不作樂不判署刑

殺文書不行刑罰不預穢惡致齋唯祀事得行其餘悉

斷其祀官已齋而闕者通攝行事光祿卿監取明水火

太官令取水於陰鑒取火於陽燧火以供爨水以實樽

前祀一日諸衛令其屬未

後一刻各以其方器服守衛墻門與太樂工人俱清齋一

宿

陳設

前祀三日衛尉設祀官公卿已下次於東壝之外道南北向以西為上陳設饌幔於內壝東門之外道南北向前祀二日太樂令設宮懸之樂於壇南內壝之內東方西方磬簾起北鐘簾次之南方北方磬簾起西鐘簾次之設十二鐃鐘於編懸之間各依辰位樹雷鼓於北懸之內道之左右植建鼓於四隅置杙啟於懸內

杙在左
啟在右

設歌鐘歌磬於壇上近南北向磬簾在東其匏竹者立於壇下重行北向相對為首

凡懸皆展而編之

諸工人各位於

懸後東方西方以北為上南方北方以西為上右校掃

除壇之内外郊社令積柴於燎壇

其壇於神壇之左内壝之外

方一

丈高一丈二尺開上南出戶六尺前祀一日奉禮設祀

官公卿位於内壝東門之内道北執事位於道南每等

異位俱重行西向以北為上設望燎位當柴壇之北南

向設御史位於壇上正位於東南隅西向副位於西南

隅東向令史陪其後於壇下設奉禮位於樂懸東北贊者二人在南差退俱西向又設奉禮贊者位於燎壇東北西向皆北上設協律郎位於壇上南陛之西東向設太樂令位於北懸之間當壇北向設祀官公卿以下門外位皆於東壝之外道南每等異位重行北向以西為上設牲牐於東壝之外當門西向配帝牲牐少退南上設廩犧令位於牲西南史陪其後俱北向設諸太祝位於牲東各當牲後祝史陪其後俱西向設太常卿省牲

位於牲前近北南向設青帝酒樽於壇之上下太樽二
著樽二犧樽二山罍二在壇上于東南隅北向象樽二壺
樽二山罍二在壇下南陛之東北向俱西上設配帝著樽
二犧樽二象樽二山罍二在壇上於青帝酒樽之東北向
西上歲星三辰勾芒氏俱象樽二各設於神坐之
左皆右向七宿壺樽二設於神坐之右而左向青帝配
帝之樽
置於垣星辰以下尊俱藉以
席皆加勺畢設爵於尊下設洗於壇南陛東南北向
疊水在洗東篚在洗西南肆篚實以
巾爵設星辰以下疊洗

籩罍各於其方陛道之左俱內向執樽罍籩罍者各於樽罍籩罍之後各設玉幣之籩於壇之上下樽坫之所祀日未明五刻太史令郊社令升設青帝靈威仰神坐於壇北方南向席以橐秸設帝太昊氏神坐於東方西向席以莞設歲星三辰之坐於壇之東北七宿之坐於壇之西北各於其壇下南向相對為首設勾芒氏之坐於壇之東南南向席皆以莞設神位各於坐首

省牲器

省牲之日午後十刻去壇二百步所諸衛之屬禁斷行人
脯後二刻諸行事之官各服常服郊社令帥府史二人
及齋郎以樽坩罍洗篚幕入設於位脯後三刻諸太
祝與廩犧令以牲就勝位謁者引太常卿贊引引御史
詣壇東陞升視滌濯於上

於視濯執樽者皆舉羈告潔 訖引太常卿

降復位謁者進太尉之左白請就門外位謁者贊引各
引祀官以下就門外位謁者引太常卿就省牲位南向
立廩犧令少前曰請省牲退復位太常卿省牲廩犧令

又前北面舉手曰臚還本位諸太祝各循牲一匝西面
舉手曰充俱還本位諸太祝與廩犧令以次牽牲詣厨
授太官謁者引光祿卿詣厨省鼎鑊申視濯漑謁者贊
引各引祀官御史就厨省饌具訖俱還齋所祀日未明
十五刻太官令帥宰人以鸞刀割牲祝史以豆取毛血
各置於饌所遂烹牲

奠玉帛

祀日未明三刻諸祀官各服其服郊社令良醢令各帥

其屬入實樽壘王幣

凡六樽之次太樽為上實以汎齊著樽次之實以醴齊犧樽次之實

以盎齊象樽次之實以醢齊壺樽次之實以汎齊犧樽次之實為下實以玄酒配帝著樽為上實以汎齊犧樽次之實以醴齊象樽次之實以盎齊山壘為下實以清酒其歲星三辰勾芒氏之象樽俱實以醢齊七宿之壺樽實以汎齊玄酒各實於五齊之上禮神之玉以青珪幣皆以青

太官令帥進饌者實諸籩豆簋簠

入設於內壻東門之外饌幔內未明二刻奉禮帥贊者先

入就位贊引引御史博士諸太祝及令史祝史與執樽

壘籩罍者入自東門當壇南重行北面西上立定奉禮

曰再拜贊者承傳

凡奉禮有詞贊者皆承傳

御史以下皆再拜訖執

樽罍篚冪者各就位贊引引御史諸太祝詣壇東陞升行掃
除於上令史祝史行掃除於下訖各引就位未明一刻
太樂令帥工人二舞次入就位文舞入陳於懸內武舞
立於懸南道西謁者引司空入再拜行掃除訖引就位
初司空入謁者引祀官贊引引執事者俱就壝外位司
空掃除訖謁者贊引各引祀官次入就位立定奉禮曰
衆官再拜衆官在位者皆再拜其先拜者不拜謁者進太尉之
左白有司謹具請行事退復位協律郎跪俛伏舉麾鼓

祝奏角音乃以黃鍾之均文舞之舞樂六成偃麾戛敵

樂止

凡樂皆協律郎舉麾工鼓祝而後作偃麾戛敵而後止

奉禮曰衆官再拜衆

官在位者皆再拜上下諸太祝俱取玉幣於篚各立樽所謁者引太尉詣南陛升壇北面立太祝加玉於幣東向授太尉太尉受玉幣登歌作肅和之樂乃以大呂之均謁者引太尉進北面跪於青帝靈威仰神坐前興謁者引太尉少退北向再拜訖謁者引太尉立於西方東向又太祝奉幣北向授太尉太尉受幣謁者引太尉進

東面跪奠於帝太昊氏神坐前興謁者引太尉少退東
向再拜訖登歌止謁者引太尉降自南陛還本位初太
尉奠配帝之幣星辰以下諸祝各以幣進奠於神坐還
樽所初衆官拜訖祝史各奉毛血之豆立於門外登歌
止祝史奉毛血入各由其陛升諸太祝迎取壇上俱進
奠於神坐前諸太祝與祝史退立於樽所

進熟

太尉既升奠玉帛太官令出帥進饌者奉饌陳於內壝

門外謁者引司徒出詣饌所司徒奉青帝之俎諸太祝
既奠毛血太官令引饌入俎初入門雍和之樂作饌至陛
樂止祝史俱進徹毛血之豆降自東陛以出青帝之饌
升自南陛配帝之饌升自東陛諸太祝迎引於壇上各
設於神坐前

籩豆蓋簠先徹乃升籩
簋既奠却其蓋於下

設訖謁者引司徒

太官令帥進饌者俱降自東陛以出司徒復位諸太祝
各還樽所又進設星辰以下之饌相次而畢謁者引太
尉詣罍洗盥手洗匏爵訖謁者引太尉升自南陛詣青

帝酒樽所執樽者舉冪太尉酌汎齊訖樂作謁者引太尉進青帝靈威仰神坐前北向跪奠爵興謁者引太尉少退北向立樂止太祝持版進於神坐之右東面跪讀祝文曰維某年歲次月朔日子嗣天子臣某謹遣太尉封臣名敢昭告於青帝靈威仰獻春伊始時惟發生品物昭蘇式遵恒禮敬以玉帛犧齊粢盛庶品肅恭燔祀暢茲和德帝太昊氏配神作主尚饗訖興太尉再拜初讀祝文訖樂作太祝進奠版於神坐還樽所太尉拜訖

樂止謁者引太尉詣配帝酒樽所取爵於坵執樽者舉
罍太尉酌汎齊訖樂作謁者引太尉進帝太昊氏神坐
前東向跪奠爵興謁者引太尉少退東向立樂止太祝
持版進於神坐之左北面跪讀祝文曰維某年歲次月
朔日子嗣開元神武皇帝某謹遣太尉封臣名敢昭告
于帝太昊氏爰始立春盛德在木用致燔燎于青帝靈
威仰惟帝布茲仁政功叶上玄謹以制幣犧齊粢盛庶
品脩茲明薦配帝作主尚饗訖興太尉再拜初讀祝文

訖樂作太祝進奠版於神坐還樽所太尉再拜訖樂止
謁者引太尉進青帝神坐前北向立太祝各以爵酌罍
福酒合置一爵一太祝持爵進太尉之右西向立太尉
再拜受爵跪祭酒啐酒奠爵興太祝各帥齋郎進俎太祝
減神前胙肉加於俎以胙肉共置一俎上太祝持俎東
向授太尉太尉受以授齋郎太尉跪取爵遂飲卒爵太
祝進受爵復於坫太尉興再拜謁者引太尉降復位
文舞出鼓祝作舒和之樂出訖戛敔樂止武舞入鼓祝

作舒和之樂立定戛鼓樂止初太尉獻將畢謁者引太常卿詣罍洗盥手洗匏爵訖謁者引太常卿自東陞升壇詣青帝著樽所執樽者舉幕太常卿酌醴齊訖武舞作謁者引太常卿進青帝靈威仰神坐前北面跪奠爵興謁者引太常卿少退北向再拜訖謁者引太常卿詣配帝犧樽所取坩執樽者舉幕太常卿酌醴齊訖謁者引太常卿進帝太昊氏神坐前東向跪奠爵興謁者引太常卿少退東向再拜訖謁者引太常卿進青帝神坐

前北向立太祝各以爵酌疊福酒合置一爵一太祝持爵進太常卿之右西向立太常卿再拜受爵跪祭酒遂飲卒爵太祝進受爵復於坵太常卿再拜謁者引太常卿降復位初太常卿獻將畢謁者引光祿卿詣疊洗盥手洗匏爵升酌盞齊終獻如亞獻之儀訖謁者引光祿卿降復位初太常卿將升獻贊引三人各引獻官以次詣疊洗盥手洗爵一獻歲星三辰一獻勾芒氏一獻七宿各詣酒樽所俱酌酒進奠於坐首餘皆祝史助奠相次

而畢贊引各引獻官還本位武舞六成樂止舞獻俱畢

上下諸祝各進徹豆還樽所

徹者籩豆各一少移於故處

奉禮曰賜

昨贊者唱衆官再拜衆官皆再拜

已飲福受昨者不拜

樂作奉禮

曰衆官再拜衆官在位者皆再拜樂一成止謁者進太

尉之左白請就望燎位謁者引太尉就望燎位南向立

於衆官將拜上下諸祝各執篚進神坐前取玉帛祝版

齋郎以俎載牲體稷黍飯及爵酒各由其陞降壇南行

經懸內當柴壇南東行自南陞登柴壇以玉幣祝版饌

物置於柴壇上戶內諸祝又以星辰之下之禮幣皆從燎奉禮曰可燎東西面各六人以炬燎火半柴謁者進太尉之左曰禮畢謁者引太尉出又謁者贊引各引祀官以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出

欽定四庫全書

卷十三

大唐開元禮卷十三